

نه لکي در سعادت ايجون مجديه
بکرمي غروش حسابيله التمش
غروشدر

طفره ايجون بوسته اجرقي اوله رق
اون بش غروش ضم اولنور

نسخه سي ۴۰ پاره در

فکر دایم محاکمات

آبونه اولق ایستینلر دائره عدليه ده
اداره مخصوصه سنه مراجعت
ایتملدر

اعلاناتک بهرندن بر مجديه اخذ
ایدلور

نسخه سي ۴۰ پاره در

هفته ده ايکي دفعه جمعه ايرتسي و چهارشنبه کونلری نشر اولنور . محتوياتی امور عدليه به متعلقدر

توضیحات

محکمه تمیز ریاست اولاسی تمیز حقوق دائره سی
رئیس ساحتلو مجدی افندی حضر تلیینه
محکمه تمیز استدعا دائره سی ریاستی محکمه مشارالیه
اعضاسندن عطفولو حاجی امین بک افندی حضر تلیینه
تفویض بیورلمش و مشار الیهما ذاتاً محلف بولنمشدر .

تغییر و تحویل

مغنیسا سنجانی بدایت محکمه سی مستطقلکنه
دکترلی سنجانی بدایت محکمه سی مستطقی احمد بک
دکترلی سنجانی بدایت محکمه سی مستطقلکنه
قونیه ولایتی مرکز بدایت محکمه سی ایکنجی مستطقی
امین افندی

قونیه ولایتی مرکز بدایت محکمه سی ایکنجی
مستطقلکنه مغنیسا سنجانی بدایت محکمه سی
مستطقی خلیل افندی
سلیمانیه سنجانی بدایت محکمه سی مستطقلکنه
دیاربکر ولایتی مرکز بدایت محکمه سی ایکنجی مستطقی
عبد القادر کمال افندی

دیاربکر ولایتی مرکز بدایت محکمه سی ایکنجی
مستطقلکنه موصل ولایتی مرکز بدایت محکمه سی
ضبط کتبه سندن محمد توفیق افندی تعیین اولنمشدر .

تبلیغات

محکوم له طرفک اشخاص متعدده دن عبارت
اولدینی حالده اعلامات لاحقه اصلنک دخی هر برینه
بشقه بشقه اعطاسی ایجاب ایدوب اتمیه جکی و محکوم
علیهکم تبلیغ و تبلیغه مأذون و کیلیری اولوبده صور
اعلامک بووکیله و یا خود محکوم علیه مندر برشخصه
تبلیغیه اکتفا اولنمی یولنده وقوعبولان طلبک
شایان ترویج اولوب اولدینی خصوصاتنک استفسارینه

دائر امور حقوقیه مدیریتندن تنظیم واعطا اولنوب
انجمن عدلیه به حواله قلنان ۱۱ تموز سنه ۳۲۳
تاریخی مذکوره اوزرینه ایجابی انجمن مذکورچه
لدی التذکر اصول محاکمه حقوقیه قانوننک یوز
اوتوز التجی و یوز اوتوز یدنجی ماده لرندن منضم
اولدینی اوزره طرفین متخاصمینک اشخاص عدیده دن
متشکل اولسی یالکز صور اعلاماتک آرو آرو
محکوم علیه تبلیغندن بشقه بر مجبورت قانونیه
تضمن ایتمکده اولسنه نظراً احوال مماثلده محکوم له
طرفنک شخص واحد حکمنده عد و اعتباریه
اعلامات مذکوره اصلنک دخی برنسخه دن عبارت
اوله رق تنظیم واعطاسی جای تردد اولدینی کبی شو
وجهله معاملات تبلیغیه سی ایفا اولنمش واصلی حقی
چیقان طرفدن آلمش اولان اعلاماتک بالآخره
کرتک محکوم له و کرتک محکوم علیه جانبندن طلب
وقوعنده رسوم عدلیه تعرفه سنک اوتوز طقوزنجی
ماده سی منطوقچه اقتضا ایدن خرجنک اخذیه
صورتنک کندولرنک اعطاسی ده مجاز اولوب شوقدرکه
اشخاص متعدده دن عبارت بولنان محکوم علیهکم الیوم
محاکمه جاری اولان اصوله توفیقاً و حائز اولدینی
مأذونیه بناءً و کیلیرینه تبلیغات اجراسی حالده هم
احکام قانونیه به رعایت و همدی ایجاب ایدن صورت
و تبلیغ خرجلرنک استیفاسیله مذکور تعرفه مندرجاتنه
توفیق حرکت ایدلمش اولق اوزره محکوم علیهکم
عدینه کوره اعلامات لاحقه نک صورتلری اخراج
وهر برینک بر موجب تعرفه تابع اولدینی خرج
مقطوع اخذ اولندقدن صکره موکلری نامنه آرو
آرو آله حق مقبوض علم و خبرلری مقابلنده و کیلیرینه
اعطاسی صورتیه معاملات تبلیغیه نک جریانی مقتضی
بولنمش و برده مذکور مبحوئه جمله مندرجاتندن
اولدینی اوزره محکوم علیه مندر برشخص معینه تبلیغات
اجراسیله اکتفا اولنق اصول محاکمه حقوقیه نک
بالاده محکی یوز اوتوز یدنجی ماده سنک صراحتنه مخالف
اولدینی جهته بو یولده وقوعبولان طلبک ترویجی
غیر جائز کورنمش اولدیغندن صور محرره دائره سنده

ایجاب ایدنلره تبلیغات جوابیه ایفاسی لزومی افاده
واولوجهله عدلیه نظارت جلیله سندن مدیریت
مذکوره به تبلیغ ماده قلنمشدر .

محاکمات و مقدمات

محکمه تمیز استدعا دائره سندن تنظیم واعطا
قلنان اعلامدر :

بتلیس ولایتی استیناف محکمه سی جزا دائره سندن
لاحق اولوب ۸ تموز سنه ۳۲۲ تاریخنده تفهیم قلنان
قراری حاوی ۹ تموز سنه ۳۲۲ تاریخلی و قرق اوچ
عدلی اعلامک تمیزاً تدقیقی مستدعی سعرد
سنجاغنه مربوط تاللو قریه لی جمیل افندی طرفندن
ویریلان ۱۲ تموز سنه ۳۲۲ تاریخلی استدعانا مه
واوراق متفرعه سی باش مدعی عمومیک مأموریت
بهیه سنک ۶ شباط سنه ۳۲۲ تاریخلی تبلیغنامه سی ایله
محکمه تمیز استدعا دائره سنه تودیع اولنمش استدعانا مه
مذکورک مدت و شروط قانونیه سنه موافق اولدینی
بالتدقیق اکلاشلمش اولمغه بالقبول تدقیقات تمیز به اجراسنه
ابتدار اولندی .

اعلام مذکورک خلاصه مالی یوسف بن ابراهیمی
ضرب و جرح ایتدکبری ادعاسیله مظنون علیهم اولان
مومی الیه جمیل افندی ایله برادری عبد الرحمانک
التیشر ماه و دیگر برادری لطفی الیه حسین بن سلیمان
وفحزو بن معروفک دخی ایکیشهر هفته مدته حبسلرینی
متضمن بدایه لاحق اعلام غیبانی علیه محکوملر
جانبندن معطی اعتراض علی الحکم استدعانا مه سی
اوزرینه جریان ایدن محاکمه ده معترضلردن عبدالرحمن
ولطفی وحسین وفحزونک برنجی قسم محاکمه اثبات
وجود ایتدکبری جهته مرقومونه عائد اعتراض
استدعاسنک ردیه حکم غیباینک بونلره متدائر
فقره سنک ابقاسنه و دیگر معترض جمیل افدینک ینه
القی ماه مدته حبسنه دائر لاحق اولان اعلام علیه
مومی الیه طرفندن ویریلان استیناف استدعانا مه سی

اوزینه سبق ایدن محاکمه و تدقیقات استینافیه نتیجه سنده مستألف مومی الیه جیل افندی طرفندن حکم غیابی علیه اعطای قتلان اعتراض علی الحکم استدعا نامه سی اوزینه ایکنجی قسم محاکمه معترض مومی الیهک حاضر بولنامسی حبسیله درجه اولی محکمه سنجه اصول محاکمات جزائییه قانونک یوز طقسائی مده سی حکمته توفیقاً اولیاده کی اعتراض استدعایه سنک ردینه قرار ویرلسی لازم کور ایکن غیباً اجرای محاکمه دوامه مسئله نک یکیدن حکمه ربطی مغایر قانون اوله رق فسخ حکمی موجب کورندیکی بیانیله اعلام مستألف به حکمک فسخه موده مذکوره حکمته تطبیقاً مومی الیه جیل افندینک بوباده کی اعتراض علی الحکم استدعایه سنک ردینه قرار ویرلدیکندن عبارتدر .

لایحه تمیزیه ده دخی محکمه استینافیه جه بدایه اجرا قتلان محاکمته ایکنجی قسمنده اثبات وجود ایتماسندن ناشی اعلام ابتدائی مذکورک فسخیه اعتراض علی الحکم استدعایه سنک ردینه قرار ویرلش ایسه ده محکمه مذکوره جه یوم محاکمه بی متضمن تنظیم قتلان جلب مذکوره سیله اولتان دعوت اجابته اثنای محاکمه ده حاضر بولنش و حق شنیده طعن ایدیلوب وقوع بولان دعوت اجابت ایتمای شهوددن جزای نقدی اخذیه برابر کندولرینه احضار مذکوره سی تسطیرینه و دوام محاکمه حکم احضارک افزاینه تعلیقته دأر ویرلان قرار اوزرینه الی مای متجاوز بر مدت صکره شهود مرقومه دن یالکن برینک ورودی اوزرینه ایکنجی قسم محاکمه دوام الیه کندوسنک جلب و یا خود صور سائر الیه یوم محاکمه دن خبردار ایلماش اولدیغندن وافادات سائردهن بشله اعلام میزیهک تقضی استدعا اولمشدر .

تبلغیه مده دخی اعتراض مذکور بجا کورلدیکی بیانیله اعلام مزبورک تقضی طلب اولمشدر . ایجابی لدی المذاکره معترض الیهک محاکمه اثبات وجود ایدرک استدعای قبول و تدقیقات لازمه یه شروع اولمش و ایکنجی جلسه ده عدم حضوری باشلانیلان بر محاکمه نک آتام واکاله مانع اوله میه جفی درکار بولنش اولسی حیثیه مصب بولنان اعلام ابتدائی فسخ ایلمای محکمه استینافیه نک دعوائی استینافاً فصل وروقی ایجاب ایدر ایکن بعدالفسخ معترضک بدایه ایکنجی یوم محاکمه ده حاضر بولنامسندن دولای اعتراض استدعای سنک ردینه قرار ویرلک صورتیه قبول اعتراضدن دولای کان یکن حالی آلمش اولان اعلام غیابینک تأییدی جهته کیدلسی یولسر و نقض حکمی مستلزم اسباب قانونیه دن بولند یغندن اصول محاکمات جزائییه قانونک اوچوز اون دردنجی و اوچوز اون طقوزنجی مده لری احکامنه

عائد اولدینی حاله اثنای محاکمه مدعی عمومینک حاضر بولدریلماسی مغایر قانون اولدیغندن اصول محاکمه حقوقیه قانونک ایکیوز اوتوزایکنجی مده سی موجبیه اعلام مذکورک تقضیه قانون مزبورک ایکیوز قرق دردنجی مده سی حکمته توفیقاً کیفیتک بالرویه اعلامه ربطی ضمننده محکمه مذکوره یه اعاده سنه ۱۰ کانون ثانی سنه ۳۱۳ تاریخنده متفقاً قرار ویرلدی .

۶۰۶ نومرولی نسخه ده مندرج در سعادت جنایت محکمه سی اعلام نک بشیه سی :

طرفینک توسیع تحقیقاته متعلق بشقه دیه جکری اولدینی اکلاشلغمه تحقیقاتک واصل حد ختام اولدینی بیان اولندقه معاون مومی الیه متمان هاشم وویسی نام دیگر قره علینک بالاشترک مدعی شخصی ابوالخیر افندی ضرب و جرح ایدرک عضولری تعطیل ایتدکری اخبارات و معاینه راپوری مندرجاتی الیه ثابت اولدیغندن بشله مجرمیتلرینه دأر قرار اعطاسی طلب وادعا ایلدی . وکیل مدافع موکلرینه اسناد اولتان فعلک اسباب ثبوتیه سی اولق اوزره استماع اولتان شاهدلر متمانک فعل مدعایه ایقاع ایتدکری عیاناً مشاهده ایتدکریدن و موکلری الیه مجروح میاننده خصومت مستمره نک ماده موجود اکلاشلمدیغندن علیه لرده دلائل کافیته نک غیر موجود و فعلک ماهیتی حقه ده طیب راپورنده تنفس افندینک نلک درجه ده تعطیل ایدلدیکی کوسرلمکده و تنفس یالکنر افقه مخصوص اولیوب اغز و جلادکی وجود لشرک هر نقطه سی الیه تنفس ممکن بولندقه اولدیغندن راپورده تنفس انف دیو تخصیص ایدیلان جهاز تنفسینک اوچده برینک ضیاعی و قولاغنک قسماً کسلسی تعطیل عضودن نامعدود ایدوکی و بناء علیه موکلرینک فاعل اولدقاری محکمه جه ثابت کورلش اولسه بیله بروجه مبسوط اورته ده تعطیل عضو بولنامسه کوره عاداً جارج اولق اوزره جزا دیده ایدلری لازم کله چکنی بیان و متمان دخی بشقه دیه جکری اولدیغنی درمیان ایتلریله محاکمه لرینک اختتامی بالافهام مذاکره اوطه سه کلندی .

محاکمات جاریده مضبوط و اوراق تحقیقیه یه مربوط اولان ادعا وافادات واحوال وضع موضع تدقیق و دعوی خلاصه و کیفیت تعمیق اولنسه رق مذاکره کیفیت و تعاطی آرا و مفاکرت اولندقه متمان هاشم وویسی نام دیگر قره علینک مدعی شخصی ابوالخیر افندینک یوانی بکلیه رک مومی الیهی ضرب و جرح و قولاق و بروتی بالتصور قطع ایتدکرینک

ادعا اولنسه قارشو انکار تهمت و وکیل مدافع دخی برطاق مدافعات سردیه موکلری حقه ده طلب معدلت ایتلری جهتیله بیانات و دلائل مستحصله نک درمیانیه فصل ماده ایدلسی لازم کلدی شوبله که حاده یه مصادف اولان برکون زقاقده برمناسزه نک وقوع بولنده اولدیغنی کوره رک شتاب الیه محل منازعه یه اوتوز خطوه قدر تقریبده متمان هاشم وویسی نام دیگر قره علی کوره رک سلسلی اوزرینه هاشمک جامع شریف جهته و دیگرینک دخی قهوه خانه سه طوغری قاجدقارینه و مدعی شخصی ابوالخیر افندینک چامورلر ایچنده یاتقده و برون و قولاغندن قائلر آققده اولدیغنه و مومی الیهک بی بوحاله کتورن و جرح ایدن هاشم الیه وویسی نام دیگر قره علیدر دیدیکنه حقوق عمومیه شاهدلرندن قصاب مصطفانک و مرقوم قصاب مصطفانک سلسلی سی اوزرینه محل کاشیه کیتدیکنده مجروح ابوالخیر افندینک چامورلر ایچنده یاندیغنه و مرقوم مصطفانک مومی الیهی قالدیردیغنده بی جرح ایدن و بوحاله کتورن متمان هاشم الیه وویسی نام دیگر قره علیدر دیوسولیدیکنه و اوراده برده کوفه بولندیغنه حسنک و برکون زقاقده آجی برصدا ایشتمکله یاقدیغنده برینسنک باشی آجیق یاتقده و برصارقینک جامع شریفه و فسلینک دخی وویسی نام دیگر قره علینک قهوه خانه سه طوغری قاجقده اولدقارینه خیره خاتمک مع القسم ادای شهادت و متمانلرندن وویسی نام دیگر قره علینک قهوه خانه سه قیربنده زقاق ایچنده رکشینک یره یاتمش و ایکی شخصک دخی ارزرنده بولنش اولدیغنی کوره رک خوفندن دقت ایده مدیکنه دأر دخی معلومات قیلندن اوله رق استماع قتلان عنانک بلا قسم اخبار کیفیت و اظهار حق شهادی محمد چاوشکده متمانلرندن هاشمک اثنای مصاحبه ده کدوسی ابوالخیر افندینک قوللری طوتوب وویسی نام دیگر قره علینک دخی برون و قولاغنی قطع ایتدیکنی و یاه جفی بشقه اولدینی حاله آدم لری کلدیکندن مومی الیهک قورلدیغنی اعتراف ایدلدیکی تذکار و حکایت بللری خصوصاتی و مجروح مومی الیهک صاغ صیوان اذنی کاملاً قطع و رفع ایدلدیکندن یوکسک صدای ایشیده بیله چکنه و انفک غضروفه یعنی قیقرداق میکنه قدر منقطع و تنفس افندینک اوچده بری ضایع اولدیغنه و عقب وقعه ده مرقوماندن هاشمک البسه سی چامورلی وویسی نام دیگر قره علینک دخی الاری دملی ویرلدی بولدیغنه دأر اولان طیب راپوری وضابطه عدلیه تقریری مندرجاتی مدافعه متمان وکیل جانبندن و وقوع بولان مقالات بحثه کلندکده شهادت لرده مابنت اولیوب هر شاهد کوره ییلدیکی اخبار و متمانلرندن هاشمک مدعی

شخصی الیه یئنده خصومت اولدینی محکمه ده اعتراف و اقرار الیه اظهار ایتسه وویسی نام دیگر قره علینک دخی اساساً خصومتی بولندیغنی جمله اخباراتندن بولنسندن ناشی شهادت موجوده و خصومت مسررده یه نظراً اشبو جریمه متمانک اجترایلدکری فقطله سنده یینه کافیته و قرائن قاطعه مجتمع و متمانلرک فعللری انکار و وکیل مدافعک دخی برائی متضمن سردکفتار الیسنی اسباب مبسوطه دافع اولغله متمان هاشم الیه وویسی نام دیگر قره علینک ۳۲۲ سنه سی شباطک یکرمی ایکنجی کونی فری کوینده ابوالخیر افندی بی مشترکاً و بالتصور ضرب و جرحه جرأت و جناب بارینک خلق واحسان بیوردیغنی تقویم انسانیتک اعضای مشاهد سنک تمه حسنه سندن اولان صیوان اذنینک قطعی و انفک غضروفه قدر قطع و رفع کی وحشیانه ایقاع حرکت ایتدکری تحقّق ایتدیکندن اولوجهل مجرمیتلرینه و جاهاً و متفقاً قرار ویریه رک محاکمه اوطه سه عودتله قرار مذکور علناً قرائت و بیان اولندقه معاون مومی الیه مجرمان مرقوم مانک قانون جزانک یوز یتش یدنجی ماده سه توفیقاً جزالرینک تحدیدی طلب وادعا و مدعی شخصی حق شخصیی اولان مصارف جراحیه و ایام تعطیلیه الیه اجرت و کالک مجرملرندن تحصیاتی طلب واستدعا ایدیلر مجرمان مرقومان کندولری فکردن اولغله طلب اولتان حق شخصیی ایقابه قدرتلری اولدیغنی و وکیل مدافع موکلرینک تخفیف جزالری و مجرملر دخی بشقه دیه جکری اولدیغنی بیان و افاده ایلریله بوجهته دأر محاکمه لرینک دخی اختتامی بالافهام مذاکره اوطه سه کلندی .

جهت جزائییه حقه ده دخی مذاکره کیفیت اولندقه مجرمان مرقومانک حرکتلری قانون جزانک یوز یتش یدنجی ماده سنک فقره ثانیه سه موافق اولدیغندن ماده و فقره مذکوره ده [برکیمسه بر شخصی جرح و یا ضرب الیه بر عضو یی قطع و یا تعطیل ایدر ایسه مصارف جراحیه و حکم اولنه حق دخی استیفا اولنسیله برابر اوچ سنه مدته کورک قونیلور و اگر بوجانای اولجه تصور و تصمیم ایدرک ایشله مش اولدیغنی تبین ایلر ایسه کورک جزایی اون سنه یه قدر تمديد اولنور] دیومحرر بولندیغندن اشبو حکم قانونییه توفیقاً و ابتدای توفیقاری اولان ۳۲۵ سنه سی مجرمک یکرمی یدنجی کوندن اعتبار اولنهرق بویه وحشیانه افعالی ایقاع یعنی عادتا حیاته قیارجمه سه مدعی شخصی مومی الیهک جرحیه بزور و قولاغنی قطع و دوچار ضیاع ایلرندن ناشی جزالری تشدید ایدیلرک یدیشر سنه مدته کورک قونلرینه وراپورده تعیین اولتان التیوز و وکالت خرچی اولان طقساز بر

ویردقه محاکمه ایچون اوتوز غروش که جمعا یدییوز یکرمی بر غروشک کندولرندن استحصالیله مدعی شخصی یه ویرلسنه وارلش و دبت طلبنده بولندیغنی حاله مدعی شخصینک محکمه عاذه سه مراجعتده مختار اولسنه و مصارف محاکمه اولان من حیث المجموع یوز یتش غروشک دخی آروجه مجرملرندن تحصیلیه تسلیم وزنه ایتدیرلسنه ۳۲۳ سنه سی تموزینک اونجی کونی و جاهاً و متفقاً قرار ویریه رک اصول تفهیمی ایفا کلندی .

احمدک شهر داخلنده رولور انداخت ایتدیکی ثابت اولدیغندن بش بشلک جزای نقدی اخذیه برابر یکرمی درت ساعت حبسنه

محمد وهی افندی ضرب و جرح و اخافه قصدیه تشهیر سلاح ایدن عمر لطفی و محمد توفیق افندیلرک اجرا قتلان محاکمه لرده محمد توفیق افندینک ضربه مجاسرتی ثابت اولدیغندن اون کون حبسنه و عمر لطفی افندینک برائته

کرسونک حسین جرح ایتدیکی ثابت اولدیغندن برهفته حبسنه

کرکو و کوچک محمدک عبد الرحمن و درویشی ضرب و جرح ایتدکری ثابت اولدیغندن برهفته حبسلرینه

آرداشک خلاف تنبیهات آراهه قوشدیردینی ثابت اولدیغندن اون بشلک جزای نقدی آلمسنه

امین سالم افندینک علی راتب افندی به اجرای وظیفه حائده حقارت ایتدیکی ثابت اولدیغندن ایکی آی حبسنه

یانی ضرب و جرح ایتدیکی و خلاف ممنوعیت سلاح طاشیدینی ثابت اولان اریستیدینک یکرمی کون حبسنه

لوتاریه جلیق ایتدیکی ثابت اولان یورکیدن بش بشلک جزای نقدی آلمسنه

اجرای وظیفه حائده پولیس شادی افندی بی ضرب و مرقومه اطاله لسان ایتدیکی ثابت اولان رمزینک الی ماه حبسنه

ناظم چوچنی جرح ایتدیکی ثابت اولان میخالک برهفته حبسنه

یماندوقلینک استراپی بی ضرب و مرقومه اطاله لسان ایتدیکی ثابت اولدیغندن اون کون حبسنه

طناش و خرستونک علیکسانی ضرب و جرح ایتدکری ثابت اولدیغندن اون بشر کون حبسلرینه

ماریانیتیک اچقسنی سرقت ایتدیکی ثابت اولان یورکینک اوچ آی حبسنه و ختام مدت جزائییه سنده ضابطه جه کفالتله ربطته

هرمزك قدحنى قيردېنى ثابت اولان آورامدن
اون بشلک جزای نقدی آلمسنة
فرى قريه سنده ساکن قصاب استفان وواسيلک
يکديکرىنى ضرب وجرح ايلدکلىرى تين ايتکله اون
بشر کون مدتله حبسلىرینه

حاجى حسن اغايه ناموسه طوقور سوزسويديکى
تين ايدن تيمورجى حسين اغانک يکرمى کون حبسنة
اسپرونک خلاف تنبهات حرکتنين طولايى
کندوسندن بش بشلک جزای نقدى اخذينه بک اوغلى
بدایت محکمه سى جزا دائره سنجه قرار ویرلشد.

مُعَامَلَاتُ اِنْدِيَا هِيَّة

قدره قضاسى ناىى وبدایت محکمه سى رئيسى
اسماعيل فخرالدين افنديک مخالف قانون حرکات
ومعاملاته ومحکمه مذکوره برنجى کابى محمودافندى پى
بغير حق توقيفه مجاسرتى درسعادت عدليه مفتشکنندن
وارد اولان اوراق تحقيقه محتوياتندن مستبان اولمسنة
مبنى محاکمه آلتنه آلمسنة عدليه نظارت جليله سندن
مأذونيت ویريله رک درسعادت استيناف محکمه سى
مدعى عموميلکنه تبليغات مقتضيه اجرا و طرف عالى
مشيختپناهى يهده معلومات اعطا ايدلشد.

اِغْلَانَات

ايکنى تجارت محکمه سنده :

بک اوغلنده تکيه زقاغده نومروسز دکانده مقيم
مانيفاطوره تجارتيه مشغول پنايوط داق اوغلنک ۲۲
اغستوس سنه ۳۲۳ تاريخندن اعتباراً اعلان افلاسنه
ومصالح افلاسيه نك رؤيت وتسويه سى ضمننده اعضاى
محکمه دن عزتلو سانج بکک ژورقوميسر ودعوى
ويکلرندن آندريا يونانيدى افنديک موقت سندىک
تعينلىرينه ومغازه سيله اشياى زائده بيتيه سنک تمهيريته
واوراق ودفاترينک جلبه وکفالت مصدقه ارأه
ايدمديکى تقديرده حبس وتوقيفنه وبوباده کى قرارک
موقتاً اجراسنه ايکنجى تجارت محکمه سنجه قرار
ويرلمش اولديغندن قانونامه تجارتک ۱۷۰ نجى ماده سى
موجبجه دائمى سندىکلر انتخاب اولمق اوزره اشبو
۳۲۳ سنه سى ايلولنک بشنجى چهارشنبه کونى ساعت
يدى راده لرنده اصحاب مطلوبک محکمه مذکوره نك
مصالح افلاسيه نك رؤيته مخصوص اوطه سنه کللىرى
اعلان اولنور .

محکمه تجارت اجرا دائره سنده :

اسپانيا دولتى تبعه سندن بانکر موسه ده طوله دونک
ژان کساريدى افندى ذمتنده جهت کفالتندن طولايى
برنجى محکمه تجارت اعلاميه محکوم به اولان آله جفنگ
تسويه سى ايچون قاسم پاشاده بيوک پياله محله سنده
اوزون يول دره بويى جاده سنده درت والتى نومرولر
ايله مرقم درونلرنده درت عدد طوغله حرمنيله بيوک
وکوچک درت آخور وصمانلق وباغچوان اوطه لرىنى
مشمتمل معلوم الحدود ايکى قطعه بيوک ترلاده اوتوز
التيشر سهم اعتباريله مومى ايله ژان کساريدى
افنديک مالى اولوب وفاء آخرى نامنه مرهون
ومفروغ بولنان برر سهم حصه سى مرتهنک حق
امتيازى محفوظ قالمق شرطيله بوندن اقدام موقع
مزايديه قونيله رق ليراي عثمانى يوز غروش حسابيله
يکرمى بشيبک غروشه طالبي عهده سنده قالمش
واشبو اغستوس رومينک يکرمى طقوزندن اعتباراً
اوتوز برکونه يعنى کله جک ايلول رومينک يکرمى
طقوزنجى جمعه ايرتسى کونى ساعت اونه قدر يوزده
بش ضم قبول اولمى و ذکر اولنان يوم وساعته ده
صوک مزايده سى بالاجرا قرار قطعيلى ویريله رک
طالبي عهده سنده کچورلمسى مقرر بولنش اولديغندن
وآندن صکره هر نه ضم وقوعبولور ايسه قبول
اولنيه جفنگندن حصص مذکوره يه يوزده بش ضم ايله طالب
اولانلرک واطرافليجه معلومات آلمق ايسينلرک مدت
مزبوره ظرفنده بدل مزايده نك عشرينه مساوى پى
اچمه سيله برابر محکمه تجارت اجرا دائره سنده مراجعت
ايللرى ويوم ووقت مزبوره مذکوره ترلار
پيشگاهنده مأمورى مواجهه سنده حاضر بولنلرى
اعلان اولنور .

بصره تجارت محکمه سنده

تبعه دولت عليه دن بصره نك پاشا محله سنده مقيم
خانجى يعقوب ولد روپن نواح نامک ۱۷ تموز سنه
۳۲۳ تاريخندن اعتباراً اعلان افلاسنه ومصالح
افلاسيه نك رؤيت وتسويه سى ضمننده اعضاى محکمه دن
داودحاي افنديک ژورقوميسر ودعوى ويکلرندن
سليمان فيضى افنديک موقت سندىک تعينلىرينه
وخانده کى اموال تجاريه ايله اشياى زائده بيتيه سنک
تمهيريته واوراق ودفاترينک جلبه وکفالت قويه
مصدقه ارأه ايدمديکى تقديرده حبس وتوقيفنه
وبوباده کى قرارک موقتاً اجراسنه بصره مرکز
تجارت محکمه سنجه قرار ويرلمش اولديغندن قانونامه
تجارتک ۱۷۰ نجى ماده سى موجبجه دائمى سندىکلر

انتخاب اولمق اوزره ۳۲۳ سنه سى اغستوسنک يدينجى
صالى کونى ساعت ايکى راده لرنده اصحاب مطلوبک
محکمه مذکوره نك مصالح افلاسيه رؤيته مخصوص
اوطه سنه کللىرى اعلان اولنور .

ارطغرل سنجاقى تجارت محکمه سنده :

موقتاً افلاسنه قرارويريلان بيله جکللى اناطوليل
اوغلى اغويک خصوصات افلاسيه سنک رؤيت وتسويه سى
ضمننده دعوى ويکلرندن رفعتلو فريد بک وتجارندن
قسطنى بلاسياديس ونجيان بغوص افنديلرک اصالة
سندىک تعين قلنمش اولدقلرندن مفلس مرقوم
ذمتنده آله جنى اولانلرک قانونامه تجارتک ۱۹۹
و ۲۰۰ نجى ماده لرى موجبجه تحقيق ديون ايچون
تاريخ اعلانندن اعتباراً يکرمى برکون ظرفنده سنداتى
محکمه کاتبه تسليم ايللرى ومدت مذکوره ختامندن
صوکره اوچ کونده يعنى ۳۲۳ سنه سى ايلولنک اون
ايکنجى چهارشنبه واون اوچنجى پنجشنبه اون بشنجى
جمعه ايرتسى کونلرى ارطغرل تجارت محکمه سنک
مصالح افلاسيه رؤيته مخصوص اوطه سنه کلله رک
سندىک افنديلر مواجهه سنده آله جقلىرى اثبات وقيد
وتصديق ايتديرملرى ومدت مذکوره ده اثبات وجود
ايدمىان آله جقولر حقنده قانون تجارتک ۲۱۰ نجى
ماده سنده توفيقاً ايفاي معامله اولنه جنى اعلان اولنور .

قرق کلیسا تجارت محکمه سنده :

قرق کلیسا تجارت محکمه سندن افلاسنه حکم
اولنان يورکى ولفتراکى « ق » صوفيانوپلوس شرکتنک
خصوصات افلاسيه سنک رؤيت وتسويه سى ضمننده
دعوى ويکلرندن ملانيون وتجارندن قسطنکى
وعلکساندرن وهاجى استاورى افنديلر اصالة سندىک
تعين قلنمش اولدقلرندن مفلس مرقومان ذمتنده
آله جنى اولانلرک قانونامه تجارتک ۱۹۹ و ۲۰۰ نجى
ماده لرى موجبجه تحقيق ديون ايچون تاريخ اعلانندن
اعتباراً يکرمى برکون ظرفنده سنداتى محکمه کاتبه
تسليم ايللرى ومدت مذکوره ختامندن صکره اوچ
کونده قرق کلیسا تجارت محکمه سنک مصالح افلاسيه
رؤيته مخصوص اوطه سنه کلله رک سندىک افنديلر
مواجهه سنده آله جقلىرى اثبات وقيد وتصديق
ايتديرملرى ومدت مذکوره ده اثبات وجود ايدمىان
آله جقولر حقنده قانون مذکورک ۲۱۰ نجى ماده سنده
توفيقاً ايفاي معامله اولنه جنى اعلان اولنور .